

Kooluú na kpaca

Doo bugurú dǔúlinya né, dǔo bugurú ne, kóólúu féyí, bɔɔgóni basú kóólúu né, bɔɔjɔɔ, nge wúro woodu só sɔsɔ bánjáádɔ kooluú. Nabúru wánlám fɔɔ-daá ásáráwó. Nge sɔsɔ ngbetíi kpíde, sɔsɔ Kpeeluú (Aliyáásun), we ge bínlám nya ásáráwó, sɔsɔ bíndǔi ma kéké. Nge kooluú waalá kpacawá natíle ukpɔɔ icéle wúro sɔsɔ tánboná ngébééɛ nyónzó keém kadaá wenbí bínlám nya né. Woobó né, kpuná náále ge agéɛ: bánɔ́aa ceení sɔsɔ Tuluú, bánɔ́aa ceení sɔsɔ Síwɔɔ, bɔwe béndǔi kéké. Wooboná kpacawá iyí ge bugba Tuluu né, sɔsɔ bɔdónɔwó ki, nge sɔsɔ bɔdónɔwó Tuluú ɔsɔ úy. Né kidée lé ge bɔdónɔwó, awéní woobuuná, sɔsɔ Samíre-dée níni woobuuná kpaca. Nge bɔɔgbɔɔ Tuluú boboná bebí. Kilé kugurú né kilé sɔsɔ: Aa, dǔéévétí sóm kazɔɔ níbu:

Samíre-dée níba kée ajima,

Éé begéɛ ajima

Bɔkpɔɔ sóm bebí ade,

Éé begéɛ ajima

Samíre-dée níba kée ajima,

Éé begéɛ ajima...

Tɔɔ, bulá nǔíní ge bulá bilé. Bɛɛbéɛ né, kunubóni-daá cɔɔɔ bonyowáa kpɛɛ-kpɛɛ-kpɛɛ né, bɔdónɔwó bɔyɔ kidée mowá. Kɔwɔɔ, belé sɔsɔ: Óo, dǔédée níba, uráa nbilé Samíre-dée níba bana?

Samíre-dée níba kée ajima,

Éé begéɛ ajima

Bɔkpɔɔ sóm bebí ada,

Éé begéɛ ajima...

Nge bɔɔgóni bekébééɛ né, nge baagáná Samíre-dée níba-dée kutoluú, burɔɔzɔ ge leleedǔ Samíre-dée níba waabáazi tɔwóu Tuluú, tífe dǔo né, bɔdónɔwó Tuluu. Biiyéle a bɔɔdɔɔ ki, bɔdónɔwózi mowá.